

ELOK ta hapupalifa moilyo nomomaongalo

Omuvalu womaongalo mu ELOK, otau tane omudo keshe noilyo yomaongalo oo otai hapupala. Osha holoka mehokololo lomubishofi dr. Kleopas Dumeni moshongaleleengeleka sha dja ko.

Momushangwa ou omwa tiwa kutya oilyo yongeleka neudo oya hanga 304 392. Ehapupalo meedula 3 da pita 17 267. Omaongalo oku li 68, tja lelwa kovafitaongalo 95. Ovafita 10 ove li meyakulo 10-ngeleka aische, 5 ove li moshi-longatumo, 2 otave lihongo kombada yomafuta 16 otava li oshikuvila shetulumuko. Osho ehokololo la ti.

Ovafita aveshe mOngeleka 128. Meni leedula 3 da pita omaongalo okwa hapupala fiyo 7.

Omwenyo wOngeleki

Kombinga youkriste nhumbi tau li nyenge, omuwilikingeleka okwe shi hokolola ngaha: Oku na eliteeko, eenamanana, eteko leehombo, outondwe, omadipa fano nomalipangifo. Kombinga yovanashilonga tate Dumeni okwa ulika kouhefi mokati kovanashilonga, omapunduko noukolwe.

Okatukulwa aka okwe ka xulifa ngaha:

"Okuyelekanifa nombinga ikwao, ohandi yelula pombada ombinga yepandulo nokutanga oilonga ya-Kalunga ponhele yokunyemata.

"Elidilululo otali pumbiwa shili, omuyelani a fifwe ohoni naJesus afindane."

Ova shangela nge tava ti....

Ova shangela nge tava ti .. Aaholike, ohandi mu indile tu ilikanene tuhe na edimbu-ko omolwoudjuu u li medu le- tu nomolweemwenyo davakwetu edi tadi kana efiku keshe.

Valve Nakale

xxxxxxxxxxxx

Amushanga omusimanekwa, Nyola egalikano ndika: Omushiti gwiigwana ayihe, garena wo oshigwana shetu, ngngoye u shi popile kiigwana kayi na ombili.

Shi talaleka momalilo gasho pomasiku ngaka omadhigu. Omuwa, ino kala kokule: Festus A. Ekandjo

xxxxxxxxxxxx

Kovaleshi vOmukwetu, ou e li omupukululi wetu pamhepo nopainingwa younyuni. Ope na oihodi linene molwetungo li nene la li lipe, noilongifo yondilo, eshi la nyonwa po komushitwa waKalunga.

Ote shi pitifa tuu? Onghenda inene okukondjifa Kalunga.

...Hakaye

xxxxxxxxxxxx

Vakwetu vange, onda li nda tonga kovakwashiwana shange, kutya vakwetu tu endeni nomakumbafa. Endeni nee vavali, nye kamu fi vokunangala mume, ove meumbo to hange mo ovaenda vakweni.

Inatu twika vakwetu omitengi.

Immanuel Nghishihange

xxxxxxxxxxxx

Shi vule R 200,000 ya gandjwa

kelongo lyOngeleki

"Ethembo lya thiki ihe, ELOK a taambe iiputudhilo yOngeleka miikaha ye mwene pwaa na ekwatho lyopondje."

Osha li ekumagidho lyomumbisofi kUshigongingeleka momutumba gwa-
sho 7-12.12.1981 mOngwediva.

Aakwashigongi 260 ya za komagongalo agehe ga ELOK oya pulakene onkalo yoosikola dhokombanda dhi li metonatelo lyOngeleka.


Osikola yaShigambo naPaulinum odho tadhi dhiladhilwa mpaka mwa kwatelelwa iiputudhilo; O-
ngwediva, Oosikolambali dhOmbi-
beli, Engela nomailong gaal-
ngwa ku S.A.

"Gandja euvoko lya gwana kiilyo ya ELOK nokoshigwana ashihe, opo shi gandje iimaliwa, oosikola ndhika dhi kale po."

Osho oshigongi sha pewa oshimpwiyu komuwilikingeleka. Iimaliwa yi vule R230,000 oya tseyithwa wo tayi ka longithwa 1982 moosikola nomiiputudhilo mbyoka. Iimaliwa mbika ombinga onene otayi zi pondje yOngeleka.

Omagongalo wo ohaga pulwa gu umbe oongalo dha sheywa omolwoosikola yontumba hayi tumbulwa kedhina momalongelokalunga.

Oshizemo shoongalo dhomalongelokalunga osha tseyika nawa mo-



Omumbisofi K. Dumeni

ngeleka kutya R30,00 odha talika oyu umbwa nawa lela ndjoka.

Ngele otu na omagongalo 68, kehe limwe tali gandja R30-00 nena otu na R2 240-00. Mbika itayi gwanene nOngwediva ndjoka tayi pula ashike nuumvo R17 380-00 mwa kuthwa osikola yOmbibeli.

Opu na wo omwaalu gwiimaliwa hagu pulwa omulongwa uuna a taambwa mosikola yontumba. Ogwwo wo okuyambidhidha oompumbwe dhosikola ndjoka, ihe itagu mana po oshinima.

Epulo, olye e na okumana po oompumbwe dhosikola, ongele aavali yaanona ye li mosikola ndjono, nenge omagongalo ngaashi haga pewa olufo lwongalo yimwe momumvo, oli shi okukongelwa eyamukulo.

Ashike otundi yomuwilikingeleka oya dhenga, opo oosikola ndhika dhaa kalekelwe po we iilonga yadho kekwatho lyopondje.

GANDJA OMUKWETU GWOYE


KUMUKWENI A LESHE MO

OHA GANDJA PO

EFUDHO LYE | KETUMO

umunashilonga kehe mu ELOK, oha pewa efudho lyokomumvo, uule womwedhi gumwe. Oyendji efudho ndika ohatu li nyanyukilwa, tu ka tsakanithe oompu mbwe dhetu momagumbo twa manguluka.

Yamwe tatu matuka tu ka lale ongali pomafuta nenge pookuu



Johannes Kambungu

me mUushimba. Ashihe shika osho shoka lya dhiladhililwa.

Komunashilongatumo Johannes Kambungu, ohali mu pe owala ompito ombwanawa okupopya noyendji oshilongatumo noompumbwe dhasho, Aaludhe naatiligane.



Omumvo 1981 osho wo a ningi.

Okwa galuka ko noo R1 305,44 nepakete enene lyoonguwo dhaa-nona nodhaakuluntu.

MOvenduka noTjimbingwe okwa pewa mo R1 222,01. MuSwakopmund ta pewa mo R83,43 nepakete. Ye mwene ote ya kundu ihe ngeyi:

"Eyakulo lyeni kali shi osima, ihe olyOmuwa. Tate megulu na tilile omayambeko omakwagulu mpoka mwa kutha, ga tondoke sigo omomwenyo gwaaluhe."

YAkwetu ya yambekwa.



OMIKALO 4 OKULONGA

Otatu ningi ngiini mUuzilo wOndonga? Otii ku tumbulile iinima mbyoka okukwatha meipulo lyokulonga oshilonga shika.

Omikalo ndhika oto vulu oku dhi longitha palwe wo omolwetumo.

1. Ithaneni omunashilonga gumwe megongalo lyeni ta longo metumo, opo e mu hokololele shoka shi li ko. Ongalo nayi umbwe wo mpoka.

Oshitsa shika otamu vulu wo okutuma gumwe gwegongalo lyeni, a ka tala iinima nkene yi li ko, ye a galuke nehokololo.

2. Gandja sha koshilonga shetumo. Tameka niinima mbyoka iipu notayi monika nuupu ngaashi:

- oombale dhokutunga
- oonyandi
- oondunga

Amkongo a galuka

Omuwiiiki gwOshinyanyangidho tate Moses Amkongo, okwa galuka nawa molweendo lwe lwo- masiku konyala 30.

Omusamane Amkongo okwa yile koshigongi shawo shokomitiye yependulepo lyiigwana yOngongahangano yAakwaluther, sha li muPapua, New Guinea muJanuali.

Oshigongi shika osho shotango numvo, moka tate Amkongo a yakula okuza 1977 ongomukalelipo gwaAfrika.

NADHO ETUMO

- oombe noongongo

Inima mbika ayihe ihayi monika momakuti.

3. Gandja iimaliwa. Ohayi kwatha noonkondo moondjambi dhaaniilonga, momalweendo, miikulya nenge moompumbwe dhosikola.

Hogololeni gumwe gwomomapyo getumo opo mu kale hamu futu ondjambi ye megongalo lyeni.

Shika otashi vulu okuningwa wo komuntu gumwe awike nenge kegumbo lyontumba olyo tali futu ondjambi yomutumwa gwalyo.

4. Galikanena oshilonga. Mulyo aanashilongatumo otaa kolekwa otaa tsuwa omukumo. Oshilonga otashi yambekwa.

Owandaha megumbo ethimbo ewanawa okulongitha ompito ndjika. Onawa mu hogolole edhina lyomutumwa qumwe nenge ehalalimwe



Omusamane Moses Amkongo

ETSEYITHO !

Omusitagongalo Gideon Muremi, Rupara, sho edhina lye itaali holokele mOndjalulamasiku 1982, okwa dhimbiwa ashike.

Ombelewangeleki

tamu li tumbulile aluhe Kalunga.

Ndhika oondjila oombwanawa okweendwa komukriste kehe okumana po ongunga ye.


Kirsti Shipanga.

Shoka sha nyolwa

Emanguluko lyoshilongo shika olya tegelelwa mOkwaka 1982 nenge mOmumvo Omupe 1983. Shika oto vulu oku shi itaala nou li mondjila, nenge oku shi limbililwa nokape na ngoka te ku pe uusama.

Amerika ngoka e eta omuzile gwomalimbililo moshinima shika shevi ndika, omainyengo ge oga dhimblulwa miitsa tayi landula:

1. Amerika okwa fa tashi mu ye-
lele kutya mpo pu thike omuku-
ndu gwaNamibia itaagu pu po,
op wo pu thike eindjipalo lyo-
malinyengo gaRussia muumbuga-
ntu waAfrika.



Ompresidende Ronald Reagan
gwa Amerika.

Onke ngashingeyi ta kondjo a dhike ekwatathano nepangelo lyaAngola, ndyoka a kala inaa yalula okuza 1975, sho lya yi koshipundi.

Meuvathano omu na elalakano lyokuziminitha Angola, opo Aakuba ya shune kaandjawa. Ngele shika otashi ningwa, Amerika okwa hala okufuta oshinima sho ka nomakwatho gopalutu ngoka tu uvanekele Angola.

Ethiminiko lyaAmerika kepange-
lo lyaAngola, olya hatukwa
wo kuJonas Savimbi, omuwiliki
gwa UNITA, mulisbon omasiku ga
zi ko. Okwa ti kutya Amerika
ota undula S.A. okumangulula
Namibia, ye epangelo lyaAngola
ote li pula li shunithe Aakuba.

2. Onkambadhala yokutidha po
Aakuba muAngola, Amerika ote
yi ningi okuziminitha wo S.A.
meipopilo lye kutya ehogololo
itali kala lya manguluka ngele
aakomonisi oye li poongamba
dhoshilongo shika.

Otashi vulika pashitsa shika,
opo wo pwa zi ethiminiko lya
S.A. okuninga iiponokela ya
kola muumbugantu waAngola 1981
Omitoto dha za momalunza ge
shi okwiinekelwa, ohadhi ti
kutya, iiponokela S.A. okwe yi
ningi e na eyambeko lyaAmeri-
ka.

Kakele keshunitho lyAakuba
kokule, ookamba dhaSwapo muu-
mbugantu waAngola nadho odha
tulwa monkalo tayi mbilipale-
ke hwepo SA, a taambe ehogo-
lolo nuupu, shi vulithe shito.

(Keshunitho lyAakuba kaandjawa
epangelo lyaAngola inali shi
tala ongomukuntu kaaru shi o-
kukwalula po, ngele navi osho
tashi dhaibe emanguluko lyaNamibia
— Radio Luanda)

3. Amerika okwa thikamenwa
keinyengo lyomuleli gwaLibya,
Col. Muammar Qaddafi muAfrika
Uupolitika waQaddafi itau nwi-

molwa Namibia

tha Amerika omeya taga kuluka. Nguka oye wo omunashipundi gwoshigongi shuukumwe waAfrika (OAU) omumvo nguka.

4. Iita yuuzilo wopokati, kayi shi wo iishona kuAmerika. Okwa yuulukwa okutula mo onkondo dhe adhihe.



Ompresidende Julius Nyerere gwaTanzania.

Ayihe mbika otayi vulu okukwatha Amerika kaa dhane moonyala na S.A. moshinima shaNamibia.

Ihe komuntu ho dhiladhila nawa, nowa kala u shi shi nkene S.A. he enditha uupolitika we, ito gwanenwa ashike kiitsa mbika.

Amerika wo okwe shi yelitha nale petameko lela sho ta totulula oonkundathana ndhika, pethimbo dha yile moshikwena sha hula, okuza komutumba kuGeneva. Okwa tile:



Ompresidende Samora Machel gwaMozambique, kolumoho. Kulye ompresidende Robert Mugabe gwaZimbabwe. Ayehe mbaka aaleli yiilongo yi li uushiinda na SA. Iilongo 5 yUninginino ohayi pulakene manga ewi lyawo ope ku ningwe etokolo lya hugunina. Angola naBotswana oye li wo mongundu ndjika.



Ompresidende Kenneth Kaunda gwaZambia.

Ye oti itula mo shike uuna S.A. a hala okweenda pamwe naye, ngele hasho, ota ka kondja nomikundu dhilwe muuyuni Mpaka ota dhiladhila Uuzilo wopokati.

Eitulemo lyaAmerika moshinima shika, ngashingeyi olya monika pethimbo lyoshikako shotango shoondathana. Sha manwa po ngaa hewa, nando pwa li wo omaudhigu gapo.

Eziminathano lyoongundu adhihe dhi li moshinima; S.A., SWAPO, iilongo yaAfrika noongundu dhomeni, olya adhika.

Otatu tegelele oshikako oshitiyali, shoka shoondathana dhasho dha talika oondhigu lela, shi ka pwe andola muApilili.

Tala kep. 8



SHOKA SHA NYOLWA

Dha za kep. 7

Oshikako shotango, osha kunda-thana kombinga yekotampango nomukalo gwehogololo. Oshikako li, otashi ka kwandjangela kombinga yetulopo lyomatati pokati ka S.A. na SWAPO.

Ko ku uvathanwe wo kutya oVVO otayi ka tuma aakwiita yayo ngiini notaa zi miilongo yini po. Opo ihe oshikako li ngele sha uvathanwa, otaku landula mbala etaambathano lyelelo lya lyoshilongo, okuza miikaha ya S.A. nokugandja ketanga lyombi li lyaVVO uule woomwedhi 8.

Notaku ningwa ihe ehogololo. Ndika olyo tali ku utha olye e na okukala omuleli gwoshilongo shika. Ngiika yo Okrismes nayo ya thiki nenge Omumvo Omu- dye nokuli.

Uonkundathana dhi li po nena, osho tadhi lalakanene dhi adhe eyihe mbyoka.

Sebulon Ekandjo

Ota hepekwa kongunga yepandulo

Onda ningi esiku ndi na ongunga yepandulo mushono nda ningilwa kAanandjokwe, omolwegumbo lyandje lya li lya teka po.

Aaholike, ombili. Onda kala ngomukwankala, ihe omuntu gwomeni ota nyenyeta.


AApangi aaholike, Kalunga komayambeko ne mu yambeke. Nane wo aakwatelikomeho amuhe moshi nima shika.

Ev. Werner Amwaalwa.


Dha Savimbi oto dhi zimine?

Omuwiliki gwehangano tali kondjitha epangelo lya MPLA, mu-Angola, Dr. Jonas Savimbi, okokwa popya noshifo shimwe shAaputu muEuropa ta ti:

- Swapo ehangano lya simana nolya kola muNAMibia, nosha yela kutya otali ka pita mehogololo.
- Swapo oku na ashike aakwiita 3 000 nenge 4 000 okuyeleka noye (Savimbi) mbokaye li 25 000.
- Etanga lye (Savimbi) inali kondjitha nando lumwe Swapo.
- SA okwa ponokela ookamba dhe muumbugantu waAngola nokwa yonagula oshindji.
- Namibia nge tali manguluka ye (Savimbi) okwi ilongekidha nale okutsakaneka etanga kehe tali mu kondjitha muumbugantu waAngola.



INYOLITHA OMUKWETU GWOMUMVO 1982



OMUKWETU

Oye oshifo shOngeleka Onkwaevangeeli
paLuther yomOwambokavango.

Oha nyanyangidhwa mOshinyanyangidho
shOngeleka mOnilpa.

Omukuluntu gwoshifo omumbisofo

dr. Kleopas Dumeni.

Amushanga Rev. Sebulon Ekandjo

Ondando yOmukwetu komumvo muAfrika

R 2-60, kombanda yomafuta R 5-00.

Omambesitelo pamwe noondando naga

tumwe kOmukwetu Onilpa, P/B. 2013

Ondangwa 9000

EV. LUTH. OWAMBOKAVANGO CHURCH
PRESS ONIIPA P/BAG 2013 ONDANGWA
9000